

Delegat Staša Košarac postavio je dva pitanja.

Prvo pitanje upućeno je Državnoj agenciji za istrage i zaštitu BiH (SIPA) glasi:

„U posljednje vrijeme svjedoci smo da mediji u Bosni i Hercegovini iznose informacije o eventualnom nezakonitom poslovanju u BHMAC-u i zloupotrebi službenog položaja direktora ove agencije. S obzirom da su i revizorski izvještaji za 2009. i 2010. godinu izrazili rezervu i da se u javnosti iznose informacije o kršenju pozitivnih zakonskih propisa u BHMAC-u, potrebno je utvrditi da li zvanične institucije, kao što je SIPA, vode istragu o poslovanju BHMAC-a. S tim u vezi, postavljam poslaničko pitanje:

Da li SIPA vodi istragu o BHMAC-u u vezi s eventualnim nezakonitim poslovanjem direktora ove agencije (ne zalazeći u pojedinosti istrage)?“

Drugo pitanje, upućeno Kolegiju Doma naroda, glasi:

„Kada će Kolegij Doma naroda sačiniti informaciju o donesenim zaključcima ovog doma, o stepenu realizacije donesenih zaključaka?

Objašnjenje: Želim napomenuti da mnoge zaključke nisu realizirale druge institucije na nivou Bosne i Hercegovine niti imamo informaciju u kojoj je fazi njihova realizacija.“